

գիրքը և սեփական ունայնութեան փոշի մէջ թաւարկում. իսկ աւելի փտաճները վերադառնալով դէպի հայրենիքը խնդրվում են շրջապատող կեանքի մեռցնող ալիքների տակ, նրանք մոռանում են իրանց բարձր խղճալները, բարոյական պրինցիպները, որոնց համար նրանք այնքան գոռում, զուլում էին ուսանող ժամանակը: Թէ առաջին և թէ երկրորդ երևոյթը շատ փաստակար է հայ ազգի պէս նոր դարձող ժողովրդի համար. մեր նոր ուժերը դացող ժողովրդի համար. մեր նոր ուժերը այնքան քիչ են, որ նրանց մի քանիսի կորուստը մեզ համար պէտք է զգալի լինի, բայց դեռ կորստեան մտքի հետ կարելի է հաշտուիլ, աւելի փտաճներու հետեւն ունի մեզ համար այն հանգամանքը, երբ մեր բարոյական և մտաւորական զարգացած ուժերը խնդրվում են մեր մեռցնող կեանքի ալիքների տակ. այս նոր ուժերը փոխանակ նոր դարձող փարեների, աղնիւ գզացմունքների տաքեալներ դառնալով, իրանք են մեռնում բարոյական, փոխանակ հին կեանքը նոր դարձողներին կրակով վերամարմնելու, իրանք են ընկնում հնում հնութեան հնոցի մէջ... կրկնում եմ որ այս երևոյթը աւելի կորստական, աւելի փաստակար է:

Այս փաստակար երևոյթների պատճառները շատ են, բայց ևս այս յոգուածովս ուշք եմ դարձնում նրանցից մէկի վրա, որը իմ կարծիքով ամենամեծ նշանակութիւն ունի այս հարցում. իմ խօսքս մեր իգական սեռի անհամաձայն տկար և չնչին զարգացման մասին է, երբ արական սեռը ստանում է բարձր կրթութիւն, իգականը—այն էլ նրա փոքրամասնութիւնը հասնում է սարքական կրթութեան աստիճանին. երբ արական սեռի մտաւորական և հոգեկան աշխարհը լայնանում է, իգական սեռը դեռ պտտում է նահապետական կեանքի խաւարի մէջ, հասկանալի է որ բարձր զարգացած երիտասարդը չէ կարող գտնել այս շրջանում իր կեանքի ծմարիտ բաւեցումին, այն բարեկամին և ընկերին, որը պիտի ապրէ նրա հետ մի կեանքով այս բաւի ամենայայն նշանակութեամբ, որը պիտի հասկանայ նրա ձգտումները և օգնէ նրան իր մտաւորական և հոգեկան ուժերով. նա չէ կարող գտնել այն կնոջը, որը կաթիլ հետ միասին պիտի ծծկցնի իր գաւալին հասարակական զգացմունքներ և զարգացման, որը բացի իր պաշտօնական ծանօթ լինի ուրիշ կենդանացնող և աղնուացնող խնդիրների հետ:

Նոր մտքերի և զարգացման աստիճանները համակրողը եղել է կինը, նա միշտ եղել է բարի մտքերի ջերմեանդ տարածողը, ընդհանրացնողը, բաւական է որ յիշենք, թէ ինչպէս կինը օգնեց քրիստոնէութեան ստաբաժնւում, մեր աղքատիկ պատմութիւնը պարզեց մեզ Սանդուխտի և Խորովանուշի պէս հերոսուհիներ, որոնց հովանաւորութեան տակ քրիստոնէութիւնը մուտ գործեց Հայաստան. մեզ պէս փոքրածիւ ազգի համար մեծ յանցանք է մոռանալ կնոջ բարձր հասարակական կողմը, մեր կեանքի ամենագլխաւոր հարցերից մէկը պէտք է լինի կնոջ մտաւորական կրթութիւնը, նրա բարոյական վերակենդանութիւնը և նրա կատարեալ ազատութիւնը բանաւորական լծից: Հայ երիտասարդի ետեւից պէտք է հետեւէ և հայ օրիորդը դէպի մտաւորական կենտրոնները, որտեղ պիտի կրթուի ուսանողը և պիտի զարգանալով և գրահաւորված միանման զարգացմանով և ճշգրտութեամբ պէտք է բացեն նոր կեանքի ասպարէզը:

Նրբ անցնալ տարի «Մշակի» թերթերում առաջարկվեց կազմել «կանանց ընկերութիւն», նրա նպատակներից մէկն էլ հայ կնոջ բարձր կրթութիւնն էր. մեր հասարակութիւնը անպարար մնաց այն առաջարկութեան. նա հարձեւ տվեալ մի գործում գուրկ է ինիցիատիվից, նա պատրաստ է կատարված փաստին երկրպագելու, բայց ինքը անընդունակ է ըստ

տեղծելու նրան: Կ. Պոստում կազմված «Պարզասէր հայուհեաց ընկերութիւնը» աւելի մեծ հետաքրքրութիւն և համակրութիւն շարժեց թէ մասնիկ և թէ՛ հասարակութեան կողմից, քան առաջարկվող ընկերութիւնը, չը նայելով որ «Պարզասէր» ընկերութեան նպատակն է աւելի հարուստ հայ կնոջ ազատել մի քանի շաղկապածուանքներից, մինչդեռ կանանց ընկերութեան նպատակն էր հայ կնոջ բարոյական վերակենդանութիւնը, նրա մտաւորական զարգացումը, նրա մարդկային իրաւունքների վերականգնումը և նրա կատարեալ ազատութիւնը: Հասարակական անտարբերութեան դառն բաժակը նոր սերունդը ստիպված է խնդրու. նա իր ուսերի վրա պէտք է տանի նրա բոլոր ծանրութիւնը, ուրեմն նոր սերունդը պէտք է մտածէ վերոյիշեալ հարցի մասին, հայ ուսանողութիւնը առաջինը պէտք է ձայն բարձրացնի այս սրբազան գործի համար: Մեր նախորդները երգեր յօրինեցին, զովեցին հայ աղջկայ ֆիզիկական զեղեցկութիւնները, իսկ մենք պարտաւոր ենք նայաստելու. նրա մտաւորական և հոգեկան զեղեցկութեան: Եւ փտաճանում եմ յայտնել Մօսկվայի հայ ուսանողութեան կողմից, որ նա բոլոր սրտով պատրաստ է օգնելու թէ՛ նիւթապէս և թէ՛ բարոյական ամեն մի հայ կնոջ, որը կը փափագէ բարձր կրթութեան: Եւ համոզված եմ որ Մօսկվայի հայ ուսանողութիւնը ընդունակ է մի այսպիսի գործ կատարելու, որովհետեւ նա արդէն յոյց է տուել թէ որպիսի համակրութեամբ կարողանում է օգնել հայ աղքատ երիտասարդին. այսպէս նա պիտի առաջին բայը անէ այն մեծ շարժման, որը կրում է իր վրա «հայ կնոջ մտաւորական և բարոյական վերակենդանութեան» անունը, որից կախված է ամբողջ հասարակութեան կանոնաւոր զարգացումը և նրա երջանկութիւնը:

Ն. Աբէլեանց

Մօսկվա.

ՆԱՄԱԿ ԽՄԲԱԳԻՐԻՆ

Սեան, 15 յունվարի

Ահա ընդ ամեն ուղարկում եմ 23 բուրլ, խոնարհաբար խնդրելով հասցնէք «Արարատեան» ընկերութեան ձեռնարկ քաղաքն վան ի խնդրելու ի ձեռն Թուան Թակոբ վարդապետեանին ստանալ պատասխան և շուտով ուղարկել ինձ. իմ հասցէս է՝ Թակոբ վարդապետ միաբան Սեանայ, ի գիւղն Եկեղեցիկա ի Սեան:

Թակոբ վ. Մկրտչեան

ՆԵՐՔԻՆ ԼՈՒԲԵՐ

Շաբաթ, յունվարի 26-ին Գօգֆորուա եղբայրների ֆրանսիական ցիւրկում լինելու է թիֆլիսի հասարակութեան սիրելի պար եկող արտիստ Գրաջիօղլի բենեֆիսը: Այդ ներկայացման ժամանակ շատ նորութիւններ են լինելու, իսկ կիրակի, յունվարի 27-ին մի նոր պատմական ֆանտաստիկական նշանախաղ է ներկայացվելու, որի վերնագիրն է «Պօրեւոս և իր բարեկամ Բերտրամը»: Այդ նշանախաղի համար նոր զեկօրացմանը և զգեստներ են պատուիրել Գօգֆորուա եղբայրները: Շաբաթ և կիրակի օրվայ ներկայացումների համար պահված են 1/2 օտն և իւրա վերսիպեդիստէկվիլիբրիստ արտիստները, որոնք չուտով գնալու են թիֆլիսից: Տեղերի գները սովորական են, ներկայացման սկիզբը 7 1/2 ժամին:

ՆՈՒԽՈՒՑ մեզ գրում են. «Նոր հոգաբարձուները շատ աշխատեցին, որ հները 500 բ. աւելի պարտքի համար վկայական տան, բայց այս վերջինները չը համաձայնեցին: Նոր հոգաբարձուները հարաւատված նրանցից հաշիւները առան»:

Վազախի գաւառի մէջ գտնված ԿՈՂԲ գիւղից մեզ հաղորդում են, որ գիւղի ծխական քահանայ Աբգարիոս Տէր-Գաբրիէլեանին աշխատութեամբ մի ծխական գաւոց է քաջվել:

Մեզ գրում են ՆՈՒԽՈՒՑ. «Բացի այն 15,000 բուրլուց, որ հաւաքվեցաւ մեր քաղաքում ցորենի գներու և մի և նոյն գնով աղքատների վրա ծախելու համար, թիֆլիսից դարձեալ 5000 բուրլ ստացվեցաւ, որով թիֆլիսում և Բագուի մէջ պէտք է ցորեն առնվի և աղքատներին տրվի 10 տարի ժամանակով»:

ՀԻՆԵՆԱԽԱՅԵԼԱՆԻՑ մեզ հաղորդում են, որ թատրոնաւոր երիտասարդները չափազանց դժուարանում են պիւնայի ընտրութեան մասին, որովհետեւ նախկինանցիք չեն սիրում որ մի գրուածքի մէջ սիրող մասին մի բառ անգամ լինի: Բեմ գուրս եկող կանայք աղէտ հասարակութիւնից արհամարված են: Թիֆլիսիցը լսել է, որ հինգ տարի առաջ օր. Աւետիքեանը բեմ է դուրս եկել և նրան հասարակութիւնը մինչև այժմ անպատու է: Թատրոնաւորները առհասարակ նախկինանցիների կարծիքով լիբը են:

Մեզ գրում են ԱԽԱԼԲԱԼԱԲԻՑ. Արտվինի բնակչներից մէկը վերադառնալով Արդահանից, երբ անցնում է Կարծախ գիւղի մօտ եղած նախկին պահականոցի (ПОСТ) առաջ, պատահում է մի հայի, որ խնդրում է արգիլեցուն օգնել իրան պահականոցում մնացած իր հիւանդ ընկերին: Ժիւս վրա նստեցնելու համար Արտվինի հայը ոչինչ չը կարծեցնելով, գնում է և կարծեցեալ հիւանդին արաղ է խմացնում, հաց է ուտացնում: Նրան կազդուրելու համար կարծեցեալ հիւանդը արտվինցու օգնութեամբ վեր է կենում և յանկարծ բռնեցքի մի այնպիսի հարուած է տալիս արտվինցուն, որ նա ուշաթափված գետին է գլորվում: Չարագործները խնդի ոտք ու ձեռքը կապում են, զրպանից հանում են նրա ունեցած փողը և իրանք փախչում են: Ողորմելին մի ամբողջ գիշեր մնում է կապած և վերջ ի վերջո նրան ազդուում է կապաւններից ազատվել և գալ Ախալքալաք: Կողոպտվածի ձին, որի վրա չարագործները հեծել և փախել էին, գտան քաղաքի մօտակայ վ. գիւղի մօտ: Այդ գործի մասին արդէն քննութիւն է սկսված:

Մեզ հաղորդում են ԱԽԱԼԲԱԼԱԲԻՑ, որ այդ տեղ նուիրատուութիւններ են հաւաքվում ռուս բանաստեղծ Լերմոնտովի արձանի համար, որ պէտք է դրվի Պիտտիգորսկում:

ԹԻՖԼԻՍԻ մթերանոցում պաշարեղէնների գինը հետգնեւէ բարձրանում է: Մաի ֆունտի դինը նշանակված է 12 կ., բայց 15 կ. հազիւ կարելի է օրինաւոր միս գտնել:

Վ. ԱԳՈՒԼԻՍԻՑ գրում են, թէ դպրոցների հին նուիրատուութիւնների պարտաւորակները նորոգվեցան, որոնց ժամանակից 10 տարուց աւել անցել էր: Եւ մի քանի պարոններ նոր նուիրատուութիւններ արեցին. եղբայր Տէր-Միքէլեանը նուիրեցին 3200 բուրլի, որի տոկոսով մշտապէս 4 սրղեգիր և 2 որդեգրուհի պիտի սովորեն Ագուլիի դպրոցներում: Պ. Ս. Հախնազարեանը նուիրեց 600—բուրլ, որի տոկոսով մի որդեգիր պիտի սովորի նոյն դպրոցներում յանուն իր հանգուցեալ հոր: Եղբայր Մ. և Ս. Աբեանցները նուիրեցին նոյն մտքով 300 բուրլի:

Վ. ԱԳՈՒԼԻՍԻՑ հաղորդում են, թէ ցորենի պուրը այստեղ ծախվում է 3 բուրլ 20 կօպ, և շատ աղքատներ հաց չեն գտնում ուտելու: Հասարակութիւնից ընտրվեցան եօթն անձինք, որոնք յօգուտ աղքատների ստորագրութիւն բաց արեցին, որի գումարը հասել է 1000-բուրլու: Այս գումարով ցորեն են առնում և էժան գնով, այսինքն պուրը 1—բ. 20 կօպէկով ծախում են աղքատներին: Յանկայի կը լինէր, որ ուրիշ տեղերում ազուլեցիներից օրինակ առնէին:

Մեզ խնդրում են տպել հետեւեալը: «Ամիս 27-ին, կիրակի օրը, ժամը 11-ին առաւօտեան, թիֆլիսի Ս. Գայիանեան օրիորդական Ուսումնարանի դահլիճում պիտի կարդացվի ժամանակաւոր մասնագործի ձեռքով պատրաստված «Հայունեաց բարեգործական ընկերութեան» կանոնադրութիւնը: Այս ժախն մասնագործը պատու ունի յայտնելու թիֆլիսի յարգելի հայունեաց, խոնարհաբար խնդրելով պատուել յիշեալ նիստը իրանց ներկայութեամբ»:

ՆՈՒԽՈՒՑ մեզ գրում են. «Մեր հինգ համաւարանաւորներից միւր պակասեցաւ. դա է մեր քաղաքին յայտնի փաստաբան Միքայէլ Տէր-Աւետիսեանց, որ երկարտեւ բարակացաւից յետոյ,

վախճանվեցաւ յունվարի 7-ին. Գուցէ հարցնէք, թէ ինչ հասարակագուտ գործերով նշանաւոր եղաւ հանգուցեալը: Գաւում եմ որ ձեր հարցին գոհացուցիչ պատասխան չեմ կարող տալ»:

Մեզ հաղորդում են ՆՈՒԽՈՒՑ որ այդտեղի նոր հոգաբարձուներից երկուսը, պ. պ. Թ. Տէր-Խաչատրեանց և Մ. Աբրահամեանց յունվարից արդէն սկսեցին ձրիապէս դասատուութիւն անել ուսումնարանում, մինչև որ դպրոցը կապահովվի նիւթական աղբիւրներով:

Շնորհակալութեամբ ստացանք պ. բժիշկ Գ. Տէր-Գրիգորեանցի «Վարակիչ հիւանդութիւններ» վերնագրով գիրքը: Այդ գրուածքը մաս մաս տըպվում էր «Արարատ» ամսագրի մէջ, իսկ ներկայ 1880 թւին հրատարակվեցաւ առանձին գրքով: Վաղարշապատում, Ս. Էջմիածնի տպարանում: Հեղինակը խօսում է իր գրուածքի մէջ ամեն տեսակ վարակիչ հիւանդութիւնների մասին՝ ծաղիկ, կարմրուկ, սկարլատին, բծաւոր տիֆ, անդրադարձ տենդ, զիֆտերիտ, ընդհատ տենդ, խոլերա, դեղին տենդ, որովայնախտիֆ և ժանտախտ: Մեզ անհատականալի է թէ ում համար և ինչ նպատակով են գրվում այդ տեսակ գրքեր, եթէ պ. բժիշկը գրել է այդ գիրքը իր հմտութիւնները ցոյց տալու համար,—այն ժամանակ մենք խօսք չունենք ասելու: Բայց եթէ գիրքը հեղինակած է որպէս ժողովրդական ձեռնարկ ամբողջ առաջնորդելու նպատակով վարակիչ հիւանդութիւնների դէմ նրան պահպանելու համար,—գրուածքը ամենեւին իր նպատակին չէ հասնում: Գիրքը լի է ցիտատներով երևելի բժշկական հեղինակութիւններից, բայց ոչ հիւանդութեան նկարագիր կայ, որ ժողովրդը նկարագրված հիւանդութիւնից օգուտ քաղի, երբ հանդիպում է իրականութեան մէջ նոյն հիւանդութեան նշաններին, ոչ էլ պահպանի և բժշկող միջոցներ են ցոյց տուած գրել մէջ: Հեղինակը շատ է խօսում հիգիենական և ասանիզացիական միջոցների վրա, բայց այնքան ընդհանրական ձևով որ գիրքը աւելի նման է մի ձեռնարկի պետութեան, նահանգի, կամ գաւառի վարչութեան ձեռքում ուղեցոյց լինելու, քան թէ մի ձեռնարկի ժողովրդի ձեռքում պիտանի լինելու համար: Միայն իր գիտութեամբ փայլելու համար չարժէ գրել հայերէն լեզուով այդ տեսակ գրքեր, իսկ հայ ժողովրդի համար դա ապարդիւն աշխատանք է, որի համար հարկաւոր են հասկանալի, ժողովրդական և գործնական խրատներ վարակիչ հիւանդութիւններին առաջն առնելու համար: Ուրեմն հայերէն լեզուով այդ տեսակ գիրք հրատարակելը բոլորովին ապարդիւն է, իսկ ռուսերէն լեզուով նա կը լինէր միայն մի թոյլ քաղաւածք արդէն յայտնի գրուածներից: Եւ «Արարատ» ամսագիրը երեակայում է իրան որ մեծ օգուտ է բերում ժողովրդին հրատարակելով այդ տեսակ գրուածներ, որոնք բոլորովին անպէտք են ժողովրդի համար:

«ՄՇԱԿ» ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆԻՑ

Ս. ՊԵՏԵՐԲՈՒԿ, 23 յունվարի: «Правит. Вѣстн.» լրագիրը հաղորդում է հետեւեալը. հրամայված է, որ 1880 թւի առաջին կէսում, Կիէվի, Վոլինսկի և Պոդոլսկի նահանգներում, դատաստանական ընդհանուր օրէնքներ մտցնվին: Նոյնպէս հրամայված է, որ Ե.սլովի, գաւառական ուսումնարանի փոխարէն, վից դասատուներով բնալական դպրոց բացվի: Կովկասեան զինուորական բժշկական մասնի տեսուչ Բէմիցերտին շնորհված է Աննա սոււաջին աստիճանի շքանշանը:

1,0հ0հ, 22 յունվարի (3 փետրվարի): Լօբանով Էրէկ հասաւ այստեղ, և այսօր այցելից Բիկոնաճիլիին:

ԲԵՐԼԻՆ, 22 յունվարի (3 փետրվարի): Հաւատարմում են, որ Ֆրանսիական դեսպանը վաղը ուղևորվում է դէպի Ֆրանսիա:

1,0հ0հ, 24 յունվարի: Այսօր ժամը 2 1/2-ին Վիկտորիա Թագուհին բացեց պարլամենտը: Լօրդ Կէրնս կարդաց դահագան ձառը, որ շատ խաղաղասիրական է:

Խմբագիր—հրատարակող ԳՐԻԳՈՐ ԱՐԵՐՈՒՆԻ